

Dogfen ir Cyhoedd



CYNGOR SIR
YNYS MÔN
ISLE OF ANGLESEY
COUNTY COUNCIL

Mr Dylan Williams
Prif Weithredwr – Chief Executive

CYNGOR SIR YNYS MÔN
ISLE OF ANGLESEY COUNTY COUNCIL
Swyddfeydd y Cyngor - Council Offices
LLANGFNI
Ynys Môn - Anglesey
LL77 7TW

Ffôn / tel (01248) 752500
Ffacs / fax (01248) 750839

RHYBUDD O GYFARFOD	NOTICE OF MEETING
CYFARFOD ARBENNIG O'R PWYLLGOR SGRIWTINI PARTNERIAETH AC ADFYWIO	EXTRAORDINARY MEETING OF THE PARTNERSHIP AND REGENERATION SCRUTINY COMMITTEE
DYDD MERCHER, 10 RHAGFYR 2025 am 10.30 o'r gloch yb	WEDNESDAY, 10 DECEMBER, 2025 at 10.30 am
CYFARFOD HYBRID - YSTAFELL BWYLLGOR, SWYDDFEYDD Y CYNGOR, LLANGFNI AC YN RHITHIOL DRWY ZOOM	HYBRID MEETING - COMMITTEE ROOM, COUNCIL OFFICES, LLANGFNI AND VIRTUALLY THROUGH ZOOM
Swyddog Pwyllgor	Mrs Mairwen Hughes 01248 752518 Committee Officer

AELODAU / MEMBERS

Cynghorwyr / Councillors:-

Y Grwp Annibynnol/The Independent Group

Gwilym O Jones (**Is-gadeirydd/Vice-Chair**)

Plaid Cymru / The Party of Wales

Non Dafydd, Euryrn Morris, John Ifan Jones, Dylan Rees (**Cadeirydd/Chair**), Margaret M Roberts, Ken Taylor, Sonia Williams

Annibynnwyr Môn/Anglesey Independents

Douglas Fowlie, Derek Owen, Liz Wood

Llafur Cymru/Welsh Labour

Pip O'Neill Aelodau

Ychwanegol/Additional Members (gyda hawl pleidleisio ar faterion addysg/with voting rights in respect of educational matters) Mrs Wenda Owen (Yr Eglwys yng Nghymru/The Church in Wales), Kathryn Seeney -(Rhiant Llywodraethwr – Sector Ysgolion Cynradd/Parent Governor – Primary Schools Sector), Christina Williams-(Rhiant Llywodraethwyr – Sector Ysgolion Uwchradd ac ADY/Parent Governor – Secondary Schools Sector and ALN) Mr John Tierney (Yr Eglwys Babyddol Rufeinig/The Roman Catholic Church)

Aelod Cyfetholedig/Co-opted Member (Dim Hawl Pleidleisio/No Voting Rights) Mr. Dafydd Gruffydd (Rheolwr Gyfarwyddwr/Managing Director - Menter Môn)

Nodwch os gwelwch yn dda bod cyfarfodydd y Pwyllgor yn cael eu ffrydio ar gyfer eu darlledu'n fyw a'u darlledu ar wefan y Cyngor. Mae'r Awdurdod yn Rheolydd Data dan y Ddeddf Diogelu Data a bydd data a gesglir yn ystod y ffrydio byw hwn yn cael ei gadw'n unol â pholisi cyhoeddedig yr Awdurdod.

R H A G L E N

1 YMDDIHEURIADAU

2 DATGANIAD O DDIDDORDEB

Derbyn unrhyw ddatganiad o ddiddordeb gan unrhyw Aelod neu Swyddog parthed unrhyw eitem o fusnes.

3 YMGYNGHORIAD CASGLU GWASTRAFF AC AILGYLCHU (Tudalennau 1 - 12)

Cyflwyno adroddiad gan y Pennaeth Priffyrdd, Gwastraff ac Eiddo.

4 CYNLLUN STRATEGOL ADDYSG DDIGIDOL 2026-2031 (Tudalennau 13 - 32)

Cyflwyno adroddiad gan y Cyfarwyddwr Addysg, Sgiliau a Phobl Ifanc.

22/11/2024

Cyngor Sir Ynys Môn
Adroddiad Sgriwtini

Pwyllgor:	Pwyllgor Sgiwtini Partneriaethau ac Adfywio
Dyddiad:	10/12/2025
Pwnc:	Ymgynghoriad Casglu ac Ailgylchu Gwastraff
Cadeirydd Sgriwtini:	Y Cynghorydd Dylan Rees

1. Pwy fydd yr aelod portffolio yn cyflwyno / arwain yr adroddiad?

Aelod Portffolio	Rôl
Cynghorydd Ieuan Williams	Aelod portffolio ar gyfer Priffyrdd, Gwastraff a Newid yn yr Hinsawdd
Swyddog Gwasanaeth (yn cefnogi)	Rôl
Huw Percy	Pennaeth Gwasanaeth Priffyrdd, Gwastraff ac Eiddo

2. Pam y gofynnir i'r Pwyllgor Sgriwtini ystyried y mater

Mae gan y Cyngor rwymedigaeth statudol i gyflawni cyfradd ailgylchu o 70%, nad yw'n cael ei bodloni ar hyn o bryd. Er mwyn cynyddu'r cyfraddau ailgylchu a chyrraedd y taged statudol, rhaid i'r Cyngor ystyried gwneud newidiadau i'r trefniadau casglu ac ailgylchu gwastraff. Mae gofyniad i ymgynghori â'r rhai sy'n debygol o gael eu heffeithio pan ystyrir unrhyw gynnig i gyflwyno newid sylweddol i wasanaeth, yn enwedig pan fo'r cynnig i leihau'r gwasanaeth. Gan y bydd unrhyw newid i'r gwasanaeth casglu yn effeithio ar bob deiliad tŷ ar Ynys Môn, bydd angen proses ymgynghori lawn felly. Gall y newidiadau posibl i'r gwasanaeth fod yn emosiynol iawn ac mae goblygiadau ariannol cyflwyno'r newidiadau posibl, ac yn wir peidio â'u cyflwyno, yn sylweddol ac y tu hwnt i ddirprwyo ariannol swyddogion. Felly, mae'n hanfodol bod y Pwyllgor yn ystyried a ddylai'r Cyngor ymgynghori, yr hyn sy'n cael ei ymgynghori arno, ac amseriad yr ymgynghoriad.
--

3. Rôl y Pwyllgor Sgriwtini ac argymhellion

- ☐ Er sicrwydd
- ☒ Er argymhelliad i'r Pwyllgor Gwaith
- ☐ Er gwybodaeth

Argymhelliad(ion):

R1 Argymell y broses ymgynghori ar newidiadau posibl i'r gwasanaeth ailgylchu a chasglu gwastraff i helpu i gyrraedd targedau ailgylchu statudol o 70% i'r Weithrediaeth.

R2 Argymell y cwestiynau i'w gofyn fel rhan o'r broses ymgynghori i'r Weithrediaeth.

R3 Argymell yr amserlen ar gyfer yr ymgynghoriad cyhoeddus, sy'n dechrau ar 7 Ionawr 2026 ac sy'n para am 6 wythnos i'r Weithrediaeth.

4. Sut mae'r argymhelliad(ion) yn cyfrannu at amcanion Cynllun y Cyngor?

Mae'r ymgynghoriad cyhoeddus arfaethedig wedi'i alinio'n uniongyrchol â Chynllun Strategol Adnoddau ac Ailgylchu'r Cyngor 2024-2029, Cynllun Strategol Cyfranogiad y Cyhoedd 2023 i 2028, Cynllun Cyfathrebu Strategol 2023 i 2028, a Chynllun Cydraddoldeb Strategol 2024 i 2028.

5. Themâu sgriwtini allweddol

Y meysydd allweddol ddylai'r Pwyllgor Sgriwtini ganolbwyntio arnynt:

1. Gofyniad i ymgynghori ar newidiadau i gasglu gwastraff ac ailgylchu
2. Cwestiynau ymgynghori arfaethedig
3. Amseriad yr ymgynghoriad
4. Risgiau a heriau

6. Pwyntiau allweddol / crynodeb

Mae gan y Cyngor rwymedigaeth statudol i gyflawni cyfradd ailgylchu o 70% erbyn 2024/25. Gall methu â chyrraedd targedau ailgylchu arwain at ddirwy gan Lywodraeth Cymru. Yn seiliedig ar y gyfradd ailgylchu bresennol o tua 65%, amcangyfrifir y bydd y Cyngor yn wynebu dirwy flynyddol o tua £350k.

Ym mis Mehefin 2025, cyhoeddodd Llywodraeth Cymru eu Glasbrint Casgliadau 2025. Mae'r ddogfen yn amlinellu'r hyn maen nhw'n ei argymell ar gyfer casglu gwastraff. Mae'r Cyngor eisoes yn bodloni'r rhan fwyaf o'r argymhellion.

Derbyniwyd cefnogaeth ar sut i gynyddu cyfraddau ailgylchu gan WRAP Cymru. Eu prif argymhelliad oedd lleihau'r capasiti gwastraff gweddilliol wythnosol i 60l, yn unol â'r hyn a argymhellir yng Nglasbrint Casgliadau Llywodraeth Cymru 2025.

Gellid cyflawni hyn drwy gasglu gwastraff gweddilliol yn llai aml a/neu leihau maint y bin ac mae WRAP Cymru yn amcangyfrif y byddai hyn yn cynyddu cyfradd ailgylchu'r Cyngor o leiaf 5%. Mae'r modelu hyd yn hyn yn ffafrio symud i 4 wythnos dros brynu biniau llai newydd oherwydd:

- Cost biniau newydd

- Mae cadw at 3 wythnos yn debygol o olygu gofynion staffio uwch
- Gallai gorlenwi biniau llai eu gwneud yn anoddach i'w gwagio ac yn haws i'w difrodi.

Yn ogystal, ystyrir gwneud ailgylchu yn haws trwy ail-ffurfweddu'r troli bocs i gasglu papur a chardbord gyda'i gilydd a darparu cynwysyddion ychwanegol i aelwydydd i storio ailgylchu ychwanegol a allai fod ganddynt.

Mae'r cynigion hyn yn seiliedig ar dreialon lleol a thystiolaeth gan awdurdodau lleol eraill yng Nghymru sydd â chyfradd ailgylchu o 70% neu fwy.

Mae angen i'r Cyngor benderfynu cyn gynted â phosibl a yw am gyflwyno newidiadau i'r gwasanaeth er mwyn cynyddu ei gyfradd ailgylchu ac felly mae angen iddo glywed barn deiliaid tai Ynys Môn ynglŷn â newidiadau posibl i'r gwasanaeth.

Os bydd y Cyngor yn penderfynu cyflwyno newid gwasanaeth, bydd angen buddsoddiad ariannol sylweddol ar gyfer gwelliannau. Mae Llywodraeth Cymru wedi datgan y byddent yn ariannu ceisiadau dim ond lle mae cynllun credadwy i gyflawni 70% neu fwy. Bydd ymgynghori â deiliaid tai felly yn dangos bod y Cyngor o ddifri ynglŷn â chyrraedd y targed ailgylchu statudol o 70%. Mae peidio â chael cynllun ystyrlon i gyrraedd y targed ailgylchu o 70% hefyd yn cynyddu'r risg o gael dirwy gan Lywodraeth Cymru am beidio â chyrraedd y targedau statudol mewn unrhyw flwyddyn benodol ac yn effeithio ar gostau gweithredu busnes fel arfer.

Mae'r cwestiynau arfaethedig yn ystyried ystod o newidiadau posibl i'r gwasanaeth a ddarperir sydd â'r nod o gynyddu cyfraddau ailgylchu ac yn ôl eu natur yn cynnwys yr opsiwn status quo gofynnol. Ystyriwyd cwestiynau ychwanegol ac amgen, fodd bynnag, ystyrir mai'r rhai a gynhwysir yn Atodiad 1 yw'r rhai mwyaf perthnasol i'r newidiadau gwasanaeth arfaethedig. Bu'r Gwasanaeth Cyfreithiol a'r Uned Cyfathrebu gynorthwyo i lunio'r cwestiynau ymgynghori drafft.

Gallai oedi'r ymgynghoriad arwain at gyfyngiadau cyn-etholiad yn effeithio ar y broses. Gallai unrhyw oedi leihau'r posibilrwydd o dderbyn cyllid cyfalaf sylweddol gan Lywodraeth Cymru i ariannu costau unrhyw newid gwasanaeth e.e. uwchraddio seilwaith ailgylchu. Mae hyn yn golygu y byddai'n rhaid i'r Cyngor ariannu hyn neu wynebu'r sgil-ffeithiau ar ddarparu'r gwasanaeth.

Dylid nodi, oherwydd yr angen i sicrhau cyllideb, ymgynghori a chwblhau gwaith i ddatblygu'r seilwaith, ei bod yn annhebygol iawn y gellir cyflwyno unrhyw newid i'r drefn gasglu cyn 2029.

7. Asesiadau effaith

7.1. Effeithiau posibl ar grwpiau gwarchodedig o dan Ddeddf Cydraddoldeb 2010

Bydd yr ymgynghoriad yn sicrhau bod barn y rhai sy'n cael eu gwarchod o dan Ddeddf Cydraddoldeb 2010 yn cael eu ceisio.

7.2. Effeithiau posibl ar bobl sy'n dioddef anfantais economaidd-gymdeithasol (penderfyniadau strategol)

Bydd darpariaeth yn cael ei wneud yn yr ymgynghoriad i ganiatáu i unrhyw un sy'n profi anfantais economaidd-gymdeithasol ymateb mewn dull sy'n rhad ac am ddim ac yn gyfleus iddynt (e.e. arolwg electronig, sesiynau galw heibio lleol ac ati).

7.3. Effeithiau posibl ar gyfleoedd i ddefnyddio'r Gymraeg a pheidio trin y Gymraeg yn llai ffafriol na'r Saesneg

Bydd yr holl ddeunydd ymgynghori ar gael yn Gymraeg a Saesneg.

7.4. Effaith posibl ar darged Carbon Sero Net y Cyngor -

Positif gan bydd y cyfraddau ailgylchu yn cynyddu.

8. Goblygiadau ariannol

Nid oes unrhyw gostau sylweddol o gynnal yr ymgynghoriad cyhoeddus arfaethedig. Amser swyddogion fydd y prif adnodd sydd eisoes wedi'i ariannu.

9. Atodiadau

Atodiad 1 - Dogfen Ymgynghori Ddrafft

Atodiad 2 – Amserlen Ddrafft

10. Awdur yr adroddiad a phapurau cefndir

Meirion Edwards, Prif Swyddog Rheoli Gwastraff

Atodiad 1 – Dogfen Ymgynghori Ddrafft

Ymgynghoriad ar newidiadau posibl i wasanaethau ailgylchu/casglu gwastraff ar Ynys Môn

Cyflwyniad

Mae Cyngor Sir Ynys Môn wedi nodi ymrwymiad clir i ddiogelu'r amgylchedd a lleihau ein hól troed carbon yng Nghynllun y Cyngor 2023-2028 ac mae ailgylchu yn chwarae rhan hanfodol yn y gwaith hwn. Trwy leihau faint o wastraff sy'n mynd i'w waredu, gallwn leihau allyriadau, diogelu adnoddau gwerthfawr, a helpu i greu Ynys Ianach, fwy gwyrdd ar gyfer cenedlaethau'r dyfodol.

Rhaid i bob Cyngor yng Nghymru gyrraedd targed ailgylchu Llywodraeth Cymru o 70% neu wynebu cosbau ariannol. Mae Cynllun Strategol Adnoddau a Gwastraff y Cyngor 2024-2029 yn cynnwys ymrwymiad i gynyddu cyfraddau ailgylchu a chyrraedd y targed o 70%.

Os oes gennych ddiddordeb mewn dysgu beth sy'n digwydd i'ch ailgylchu, cliciwch yma.

Ar hyn o bryd mae Ynys Môn yn ailgylchu 65%. Yn seiliedig ar y gyfradd ailgylchu hon, gallai'r Cyngor Sir wynebu dirwy o tua £350k y flwyddyn. Mae hyn yn arian gall ei wario ar wasanaethau hanfodol.

Gwyddom y gallwn wneud yn well gan fod data ac ymchwil ddiweddar yn dangos y gellid ailgylchu tua 52% o'r gwastraff sydd wedi'i roi mewn biniau du ar Ynys Môn ar hyn o bryd. Gwyddom hefyd fod ailgylchu gwastraff bwyd yn gymharol isel o'i gymharu ag awdurdodau lleol eraill, a bod rhai aelwydydd yn gweld storio cardfwrdd dros ben yn broblem.

Mae tystiolaeth gan Gynghorau eraill yng Nghymru wedi profi bod rhoi mwy o gyfleoedd i aelwydydd ailgylchu, tra'n lleihau faint o le sydd ar gael ar gyfer gwastraff cyffredinol ('bag du') yn arwain at cyfraddau ailgylchu uwch. Er mwyn ailgylchu i'r eithaf mae [Glasbrint Casglu Llywodraeth Cymru](#) yn argymhell na ddylai aelwydydd gael mwy nag un bag du safonol llawn (60litr) neu lai yr wythnos – ar hyn o bryd mae gan y rhan fwyaf o aelwydydd Ynys Môn bin du 240 litr sy'n cael ei gasglu unwaith bob 3 wythnos.

Er mwyn helpu cyrraedd targedau cenedlaethol ac osgoi cosbau ariannol, rydym am wneud ailgylchu yn haws ac yn fwy cyfleus i drigolion. Rydym yn archwilio newidiadau posibl, sy'n cynnwys:

- Addasu cyfluniad y bocs troli i'w gwneud hi'n haws ei ailgylchu trwy gasglu papur a chardfwrdd gyda'i gilydd
- Darparu cynwysyddion ychwanegol i aelwydydd i storio ailgylchu ychwanegol
- Lleihau'r cyfaint wythnosol a gesglir trwy wagio biniau du bob 4 wythnos yn hytrach na phob 3 wythnos.

Sylwch nad oes unrhyw newid yn cael ei ystyried i wastraff gardd werdd neu gasgliadau clytiau ar hyn o bryd.

Bydd unrhyw newidiadau yn gofyn am fuddsoddiad mewn cerbydau newydd a gwelliannau yn ein safleoedd gwastraff ac ailgylchu. Oherwydd hyn, y cynharaf y gallai unrhyw newid i'r gwasanaeth casglu ddechrau fyddai 2029.

Rydym yn deall bod gan wahanol aelwydydd anghenion gwahanol ac y gallai rhai fod â phryderon penodol am unrhyw newidiadau. Mae'r ymgynghoriad hwn yn gyfle i chi rannu eich barn ac yn gyfle i sicrhau bod y rhain yn cael eu deall yn llawn cyn i unrhyw benderfyniadau gael eu gwneud. Bydd eich adborth yn ein helpu i lunio gwasanaeth sy'n diwallu anghenion trigolion, yn cefnogi ein nodau amgylcheddol, ac yn helpu Ynys Môn i gyrraedd y targed ailgylchu o 70%.

Byddem yn gwerthfawrogi'n fawr pe gallech gymryd ychydig funudau i lenwi'r holiadur isod:

Adran 1: Eich barn ar wasanaethau ailgylchu a gwastraff

1. I ba raddau rydych chi'n cytuno neu'n anghytuno â'r datganiad canlynol: "Mae cyflawni targed ailgylchu Llywodraeth Cymru o 70% ar Ynys Môn yn bwysig".
 - Cytuno'n gryf
 - Cytuno
 - Ddim yn cytuno nac yn anghytuno
 - Anghytuno
 - Anghytuno'n gryf

(Os ydych chi'n anghytuno neu'n anghytuno'n gryf – nodwch pam)

2. Pa rwystrau, os oes rhai, sy'n gwneud ailgylchu yn anodd i chi?
 - Dim digon o le / cynwysyddion ailgylchu yn rhy fach
 - Ddim yn siŵr beth ellir ei ailgylchu ac na ellir ei ailgylchu
 - Ddim yn cynhyrchu llawer o ailgylchu
 - Mae ailgylchu yn anhrefnus ac yn anhyllendid
 - Lle dan do i storio cyn rhoi deunyddiau y tu allan yn gyfyng
 - Anawsterau corfforol (codi, cario, symudedd)
 - Dim diddordeb mewn ailgylchu
 - Dim rhwystrau – eisoes ailgylchu popeth y gallwn
 - Arall (sylwer)

Adran 2: Eich lefelau gwastraff ac ailgylchu presennol

3. Ar ddiwrnod casglu nodweddiadol, pa mor llawn yw eich

	Chwarter llawn llai	Hanner Llawn	Tri chwarter yn llawn	Llawn	Llawn cyn y diwrnod casglu	Dim yn defnyddio
Bin du						
Bin bwyd						
Bocs uchaf y troli bocs						
Bocs canol y troli bocs						
Bocs gwaelod y troli bocs						

Adran 3: Newidiadau Posibl i'r Gwasanaeth

4. I ba raddau rydych chi'n cytuno neu'n anghytuno â'r datganiad canlynol:

"Byddai'r opsiynau storio ychwanegol wedi eu darparu gan Cyngor yn eich helpu i ailgylchu mwy".

- Cytuno'n gryf
- Cytuno
- Ddim yn cytuno nac yn anghytuno
- Anghytuno
- Anghytuno'n gryf

(Os ydych chi'n anghytuno neu'n anghytuno'n gryf – nodwch pam)

5. I ba raddau rydych chi'n cefnogi neu'n gwrthwynebu newid y casgliad biniau du o bob 3 wythnos i bob 4 wythnos

- Cefnogi'n gryf
- Cefnogi
- Niwtral
- Gwrthwynebu
- Gwrthwynebu'n gryf

(Os ydych chi'n gwrthwynebu neu'n gwrthwynebu'n gryf - nodwch pam)

6. Defnyddiwch y cyfle hwn i ddweud wrthym am unrhyw bryderon, awgrymiadau neu amgylchiadau cartref a allai effeithio ar sut rydych chi'n rheoli gwastraff ac ailgylchu, yn enwedig os ydych wedi ateb "anghytuno", "anghytuno'n gryf", "gwrthwynebu" neu "gwrthwynebu'n gryf" i unrhyw un o'r cwestiynau blaenorol.

--

Adran 4: Amdanoch chi

7. Beth yw eich Cod Post:
8. Faint sy'n byw yn eich cyfeiriad?
9. Beth yw eich ystod oedran:
10. Ydych chi'n derbyn gwasanaeth casglu â chymorth?
11. Ydych chi'n defnyddio'r gwasanaeth casglu cewynnau / gwastraff clinigol?

Amserlen ddrafft ar gyfer newid posib mewn gwasanaeth:

Gweithred (*)	Wedi'i gwblhau gan
Penderfyniad gweithredol i ddechrau ymgynghoriad cyhoeddus	Rhagfyr 2025
Ymgynghoriad cyhoeddus	Ionawr - Chwefror 2026 (6 wythnos)
Dadansoddiad ar ôl yr ymgynghoriad	Mawrth – Mai 2026
Proses gwneud penderfyniadau (Craffu, cymeradwyaeth Weithredol) mewn perthynas â newid gwasanaeth	Mai – Gorffennaf 2026
Dyluniad cysyniad	Hydref 2026
Dyluniad manwl	Gwanwyn 2027
Cymeradwyaethau cyfnod adeiladu a thrwyddedau	I'w gwblhau erbyn Haf 2029
Dechrau newid gwasanaeth	Hydref 2029

*Mae pob camau gweithredu yn y tabl uchod yn ddarostyngedig i'r broses benderfynu arferol o fewn y Cyngor.

Er mwyn gwneud y mwyaf o'r tebygolrwydd o dderbyn cyllid grant gan Lywodraeth Cymru, mae angen cyflwyno cais Cychwynnol (ISPA) cyn gynted â phosibl. Bydd angen cyflwyno ceisiadau cyllid mwy manwl os yw'r ISPA yn llwyddiannus.

[illegible]

Dewisiadau:

Opsiwn	Disgrifiad	Amcangyfrif o gynnydd mewn ailgylchu drwy weithredu'r newid	Amcangyfrif o % Ailgylchu drwy weithredu'r newid	Amcangyfrif o'r gost reffeniw	Amcangyfrif o'r gost gyfalaf
1	Peidiwch â gwneud unrhyw newidiadau i'r bin du / gwasanaeth casglu ailgylchu wrth garreg y drws	0%	64.7%	£361k y flwyddyn 9 dirwy)	£8.1M (ond risg uchel o beidio â derbyn cyfraniad tuag at uwchraddio adeiladau / peiriannau / offer / draenio).
1A	Peidiwch â gwneud unrhyw newidiadau i'r bin du / gwasanaeth casglu ailgylchu ar garreg y drws, ond cynigiwch gynhwysydd ychwanegol ar gyfer cardbord a phapur a dim ond newid y defnydd o rannau o'r troli bocs.	<0.5%	65.2%	£327k y flwyddyn (dirwy) + costau casglu casglu ychwanegol.	£8.25M (ond risg uchel o beidio â derbyn cyfraniad tuag at uwchraddio adeiladau / peiriannau / offer / draenio).
2	Lleihau'r cyfaint gwastraff gweddilliol wythnosol trwy gasglu'r biniau du 240 litr presennol bob 4 wythnos a chynnig cynhwysydd ychwanegol ar gyfer cardbord a phapur	+5.6%	70.3%	£460k (costau casglu ychwanegol llai dirwy)	£14.3M
3	Lleihau cyfaint gwastraff gweddilliol wythnosol drwy gasglu biniau du 180 litr newydd bob 3 wythnos a darparu cynhwysydd ychwanegol ar gyfer cardbord a phapur	+5.2%	69.9%	£460k (costau casglu ychwanegol llai dirwy)	£15.2M+ (£900k ar gyfer biniau newydd)
4	Lleihau cyfaint gwastraff gweddilliol wythnosol drwy gasglu biniau du 140 litr newydd bob 3 wythnos a darparu cynhwysydd ychwanegol ar gyfer cardbord a phapur	+6.7%	71.4%	£460k (costau casglu ychwanegol llai dirwy)	£15.2M + (£900k ar gyfer biniau newydd)

This page is intentionally left blank

22/11/2024

Cyngor Sir Ynys Môn

Adroddiad Sgriwtini

Pwyllgor:	Pwyllgor Sgriwtini Partneriaeth ac Adfywio
Dyddiad:	10 Rhagfyr 2025
Pwnc:	Cynllun Strategol Digidol Addysg 2026-2031
Cadeirydd Sgriwtini:	Cynghorydd Dylan Rees

1. Pwy fydd yr aelod portffolio yn cyflwyno / arwain yr adroddiad?

Aelod Portffolio	Rôl
Cynghorydd Dafydd Roberts	Aelod portffolio ar gyfer Addysg a'r Iaith Gymraeg
Swyddog Gwasanaeth (yn cefnogi)	Rôl
Aaron Evans	Cyfarwyddwr Addysg, Sgiliau a Phobl Ifanc
Rhys Williams	Arweinydd Strategol Addysg (Cynradd)

2. Pam y gofynnir i'r Pwyllgor Sgriwtini ystyried y mater

Mae'r Cynllun Strategol Digidol Addysg yn cyfrannu at adeiladu system addysg fodern, sy'n addas ar gyfer heddiw a chenedlaethau'r dyfodol. Mae cyfnod y Cynllun presennol wedi dod i ben yn 2024 ac felly mae angen sefydlu cynllun newydd ar gyfer y cyfnod nesaf. Gofynnir i'r Pwyllgor ystyried cynnwys Cynllun Strategol 2026-31.

3. Rôl y Pwyllgor Sgriwtini ac argymhellion

- ☒ Er sicrwydd
- ☒ Er argymhelliad i'r Pwyllgor Gwaith
- ☒ Er gwybodaeth

Argymhelliad(ion):
Rydym yn gofyn i'r Pwyllgor dderbyn cynnwys y Cynllun Strategol Digidol Addysg am y cyfnod 2026-2031 cyn iddo cael ei gyflwyno i'r Pwyllgor Gwaith.

4. Sut mae'r argymhelliad(ion) yn cyfrannu at amcanion Cynllun y Cyngor?

Mae Cynllun y Cyngor yn nodi'r weledigaeth:
'Creu Ynys Môn fydd yn iach a llewyrchus lle gall pobl ffynnu.'

Mae'r amcan addysg yn nodi: "Sicrhau darpariaeth effeithiol ar gyfer heddiw a chenedlaethau'r dyfodol."

Mae'r Cynllun Strategol Digidol Addysg yn chwarae rhan allweddol yn y weledigaeth ac yn adlewyrchu ein hymrwymiad i adeiladu system addysg fodern, sy'n addas ar gyfer heddiw a chenedlaethau'r dyfodol—Ile mae gan bob ysgol y dechnoleg, y sgiliau a'r gefnogaeth sydd eu hangen i roi'r cychwyn gorau posibl i ddysgwyr.

Mae'r cynllun strategol hwn hefyd yn cyd-fynd â Chynllun Strategol Digidol y Cyngor (gweler papur cefndirol), gan greu dull cydlynol sy'n blaenoriaethu mynediad, cynhwysiant ac anghenion defnyddwyr. Mae hyn yn cefnogi addysg a gwasanaethau digidol ehangach i wireddu'r nod o greu Ynys Môn iach a llewyrchus lle gall pobl ffynnu.

5. Themâu sgrwtini allweddol

Y meysydd allweddol ddylai'r Pwyllgor Sgrwtini ganolbwyntio arnynt:

1. Cynaliadwyedd
2. Cysylltedd
3. Cydweithio
4. Dysgu Proffesiynol
5. Diogelu data a gwydnwch digidol

O fewn y meysydd blaenoriaeth uchod, dylai'r pwyllgor roi ystyriaeth penodol i'r agweddau canlynol:

1. Nodi a mynd i'r afael â'r risgiau a'r heriau allweddol y mae Ysgolion yn eu hwynebu mewn seiberddiogelwch, diogelu data a gwydnwch
2. Asesu Effeithiolrwydd y Gwasanaeth Dysgu wrth Gefnogi Ysgolion i Ddatblygu eu Strategaethau Digidol Eu Hunain Trwy Gydweithio a Phartneriaeth
3. Cynlluniau rhaglen hyfforddi ar gyfer staff ac athrawon ar ddiogelwch digidol i amddiffyn plant ar y gorwel

6. Pwyntiau allweddol / crynodeb

Mae pump maes blaenoriaeth allweddol i'r Cynllun Strategol Digidol Addysg 2026-31 sef:

1. Cynaliadwyedd

- Hyfywedd Hirdymor: Sicrhau bod buddsoddiadau digidol yn gynaliadwy yn ariannol i osgoi tarfu yn y dyfodol.
- Dyrannu Adnoddau a Chydraddoldeb: Defnyddio cyllid yn effeithlon i gefnogi mentrau digidol presennol a'r rhai sydd ar y gweill.

2. Cysylltedd

- Seilwaith Rhwydwaith: Monitro a gwella cysylltedd ysgolion, gan gynnwys uwchraddio lled band lle bo angen.
- Diogelwch Digidol: Adolygu a datblygu systemau diogelu dysgwyr (e.e. Smoothwall, Senso).
- Cefnogaeth i Ysgolion: Darparu offer a chefnogaeth i ysgolion i weithredu datrysiadau diogelwch digidol.

3. Cydweithio

- Datblygu Strategaethau Ysgolion: Cefnogi ysgolion i greu eu strategaethau digidol eu hunain.
- Rhwydweithiau Cydlynwyr Digidol: Cryfhau rôl cydlynwyr digidol mewn ysgolion.
- Arweinyddiaeth a Rhannu Arfer Da: Hyrwyddo arweinyddiaeth leol a rhannu arferion gorau drwy glystyrau a rhwydweithiau.

4. Dysgu Proffesiynol

- Rhaglenni Hyfforddiant: Cydweithio i greu rhaglenni datblygiad proffesiynol ar gyfer staff.
- Integreiddio Technoleg: Hyfforddiant ar ddefnyddio offer digidol yn y cwricwlwm.
- Adborth a Gwerthuso: Trefnu systemau adborth gyda chlystyrau ac ysgolion.
- Cysoni Meddalwedd a Chaledwedd: Gweithio gyda thîm TG y cyngor i gydlynu adnoddau.

5. Diogelu Data a Gwydnwch

- Diogelwch TGCh: Blaengynllunio ar gyfer diogelwch seiber a rheoli mynediad.
- Mudo Data i Hwb SharePoint: Symud data o storfa ar y safle i blatfform cenedlaethol.
- Uwchraddio Diogelwch: Amgryptio dyfeisiau, defnyddio datrysiadau ffiltro cwmwl, a darparu mynediad diogel i staff.

7. Asesiadau effaith

7.1. Effeithiau posibl ar grwpiau gwarchodedig o dan Ddeddf Cydraddoldeb 2010

Mae'r cynllun strategol yma yn ymdrechu i sicrhau bod gan bob disgybl, waeth beth fo'u cefndir neu leoliad, fynediad cyfartal at adnoddau digidol. Trwy feithrin sgiliau digidol ymhlith disgyblion a staff, mae'r cynllun strategol yn cefnogi'r nod ehangach o greu Ynys Môn fydd yn iach a llewyrchus lle gall bobl ffynnu.

7.2. Effeithiau posibl ar bobl sy'n dioddef anfantais economaidd-gymdeithasol (penderfyniadau strategol)

Mae'r cynllun yn sicrhau darpariaeth dyfeisiau digidol modern a chysylltedd bwrpasol ar gael i ysgolion, gan leihau'r bwlch digidol dysgwyr. Mae'n cefnogi pob dysgwr (gan gynnwys y rhai difreintiedig) i gael mynediad at adnoddau addysg ar-lein, gan roi'r un cyfle i bawb i lwyddo yn yr ysgol, waeth beth yw eu cefndir economaidd.

7.3. Effeithiau posibl ar gyfleoedd i ddefnyddio'r Gymraeg a pheidio trin y Gymraeg yn llai ffafriol na'r Saesneg

Mae'r cynllun strategol yma yn ymdrechu i sicrhau bod gan bob disgybl fynediad cyfartal at adnoddau digidol drwy'r Gymraeg a'r Saesneg.

7.4. Effaith posibl ar darged Carbon Sero Net y Cyngor -

Amherthnasol

8. Goblygiadau ariannol

Er bod y Cyngor gyda swm wedi clustnodi i ariannu'r cynllun yn y dyfodol, mae'n anhebyg fod y swm sydd wedi clustnodi hyd at rwan yn ddigonol a fydd angen ychwanegu at y gronfa, ond fydd hyn yn heriol yn y sefyllfa ariannol mae'r Cyngor yn i wynebu ar hyn o bryd.

9. Atodiadau

Cynllun Strategol Digidol Addysg 2026-2031

10. Awdur yr adroddiad a phapurau cefndir

[Strategaeth Ddigidol ar gyfer Ysgolion Ynys Mn.pdf](#)

Adroddiad Diwedd Cyfnod - Cynllun Strategol Digidol ar gyfer Ysgolion 2022-2024
Awduron – Aaron Evans (Cyfarwyddwr Addysg) a Mathew Henshaw (Prif Swyddog Digidol)

Cynllun Strategol Digidol Cyngor Ynys Môn

<https://www.ynysmon.llyw.cymru/documents/Dogfennau-Cy/Cyngor/Digidol/Cynllun-Strategol-Digidol.pdf>



Ynys Môn

THE ISLE OF

Anglesey

Cynllun Strategol Digidol Addysg 2026–2031

Mae'r ddogfen hon hefyd ar gael yn y Saesneg /

This document is also available in English.



CYNGOR SIR
YNYS MÔN
ISLE OF ANGLESEY
COUNTY COUNCIL

www.ynysmon.llyw.cymru

Rhagair

Mae technoleg ddigidol yn hanfodol mewn addysg oherwydd ei bod yn cynnig adnoddau dysgu cyfoethocach, yn hyrwyddo cydweithredu a chyfathrebu, ac yn darparu hyblygrwydd a chyfleustra. Mae hefyd yn helpu disgyblion a myfyrwyr i ddatblygu sgiliau hanfodol yr 21ain ganrif megis llythrennedd digidol, a datrys problemau.

Tudalen 18 Mae'r cynllun hwn yn cynrychioli ein hymrwymiad i feithrin amgylchedd a chymuned dysgu digidol deinamig a chynhwysol i holl ddysgwyr a staff ysgolion Ynys Môn.

Trwy ganolbwyntio ar gynaliadwyedd, datblygiad seilwaith, a rheoli dyfeisiau cadarn, ein nod yw arfogi ein hysgolion â'r offer a'r adnoddau angenrheidiol i ffynnu mewn byd cynyddol ddigidol. Bydd cydweithio gydag ysgolion yn hanfodol wrth ddarparu'r hyfforddiant a'r gefnogaeth sydd eu hangen i sicrhau integreiddio llwyddiannus technolegau digidol yn ein harferion addysgol.

Mae meddylfryd "Tîm Môn" yn parhau i fod wrth wraidd popeth a wnawn. Trwy barhau i gydweithio, rydym mewn sefyllfa dda i allu llwyddo yn y bennod nesaf o'n taith ddigidol.



Cynghorydd Robin Williams
Deilydd Portffolio Cyllid, Busnes y Cyngor a Phrofiad y Cwsmer



Mathew Henshaw
Prif Swyddog Digidol



Cynghorydd Dafydd Roberts
Deilydd Portffolio Addysg



Aaron C Evans
Cyfarwyddwr Addysg, Sgiliau a Phobl Ifanc

Pam mae angen Cynllun Strategol Digidol Addysg?

Tudalen 19

Ein nod yw creu Ynys Môn fydd yn iach a llewyrchus lle gall bobl ffynnu.

Mae'r Cynllun Strategol Digidol Addysg yn chwarae rhan allweddol yn y weledigaeth ac yn adlewyrchu ein hymrwymiad i adeiladu system addysg fodern, sy'n addas ar gyfer heddiw a chenedlaethau'r dyfodol—lle mae gan bob ysgol y dechnoleg, y sgiliau a'r gefnogaeth sydd eu hangen i roi'r cychwyn gorau posibl i ddysgwyr.

Mae'r cynllun strategol hwn yn cyd-fynd â [Cynllun Strategol Digidol y Cyngor](#), sy'n canolbwyntio ar sicrhau bod gan trigolion ac ymwelwyr fynediad at wasanaethau o ansawdd uchel trwy sianeli digidol a thraddodiadol.

Trwy integreiddio'r Cynllun Strategol Digidol Addysg gyda chynllun digidol ehangach y cyngor, mae'r cyngor yn anelu i gefnogi anghenion addysgol tra hefyd yn mynd i'r afael â gofynion digidol ehangach ein dinasyddion.

Gyda chefnogaeth barhaus gan Lywodraeth Cymru, mae'r cynllun strategol hon yn adeiladu ar y momentwm presennol i sicrhau bod ysgolion Ynys Môn yn barod ar gyfer cyfleoedd a heriau'r dyfodol.

Ar gyfer pwy mae'r Cynllun Strategol Digidol Addysg?

Tudalen 20

1. **Disgyblion:** Sicrhau bod mynediad at offer a chyfryngau digidol modern i wella profiad dysgu.
2. **Gweithwyr Addysg:** Darparu'r seilwaith digidol a'r cymorth angenrheidiol i integreiddio technoleg yn effeithiol i dulliau addysgu.
3. **Ysgolion:** Hwyluso trawsnewid digidol parhaol i greu amgylchedd dysgu mwy effeithlon a chyfranogol.
4. **Rhieni a Gwarcheidwaid:** Cadw'n wybodus ac yn rhan o addysg eu plant trwy ddulliau digidol.

Mae'r cynllun strategol hwn hefyd yn cyd-fynd â nodau ehangach [Cynllun Strategol Ddigidol y Cyngor](#), sy'n anelu at sicrhau bod trigolion a phawb sy'n ymweld ag Ynys Môn yn gallu cael mynediad at wasanaethau o ansawdd uchel trwy amrywiaeth o sianeli digidol a thraddodiadol.

265

o Athrawon
Uwchradd



755

Tudalen 21

o Ddysgwyr
ADY



3,567


o Ddysgwyr
Uwchradd



37

Ysgol
Gynradd

5060 Chromebooks
500 Windows
1157 iOS



Ysgol
Uwchradd

4561 Chromebooks
1401 Windows
211 iOS



1

Ysgol
Arbennig

71 Chromebooks
62 Windows
43 iOS



Ysgol
Uwchradd



3

Canolfan
laith



5

Athro Trochi
laith Arbenigol

4,092

o Ddysgwyr
Cynradd



245

o Athrawon
Cynradd



Cynllun y Cyngor 2023-2028 Amcanion Strategol

Gweledigaeth Cynllun y Cyngor
yw:

Tudalen 22

Creu Ynys Môn sy'n iach a
llewyrchus lle gall pobl
ffynnu.'

Cynllun y Cyngor yw'r brif ddogfen sy'n ganolbwynt i'r penderfyniadau a wneir ar bob lefel; darparu fframwaith i gynllunio a gyrru blaenoriaethau yn eu blaen; siapio gwariant blynyddol; monitro perfformiad a chynnydd.

Wrth wraidd y cynllun mae ein dyhead i weithio gyda phreswylwyr, cymunedau a phartneriaid ar Ynys Môn i sicrhau'r gwasanaethau gorau posibl, gwella ansawdd bywyd ar gyfer pawb a chreu cyfleoedd ar gyfer cenedlaethau'r dyfodol.

Mae ei chwe phrif amcan yn adlewyrchu'r prif feysydd y dylai'r Cyngor ganolbwyntio arnynt.



Yr Iaith Gymraeg

Cynyddu cyfleoedd i ddysgu a
defnyddio'r iaith.



Gofal Cymdeithasol a Lles

Darparu'r gefnogaeth gywir ar yr
amser iawn.



Addysg

Sicrhau darpariaeth effeithiol ar
gyfer heddiw ac ar gyfer
cenedlaethau'r dyfodol.



Tai

Sicrhau bod gan bawb yr hawl i alw
rhywle'n gartref.



Economi

Hyrwyddo cyfleoedd i ddatblygu
economi'r Ynys.



Newid Hinsawdd

Ymateb i'r argyfwng, mynd i'r afael
â newid a gweithio tuag at ddod yn
sefydliad sero net erbyn 2030.



[Cynllun y Cyngor 2023 - 2028 \(llyw.cymru\)](https://llyw.cymru)

Cynllun y Cyngor 2023–2028 –Gwerthoedd

Mae gwerthoedd craidd y sefydliad yn sylfaen i Gynllun y Cyngor 2023-28, ac maent yn cael eu defnyddio i ddatblygu ac arwain gweledigaeth, cynlluniau strategol a gwasanaethau.

Tudalen 23



Parch

Rydym yn barchus ac yn ystyriol tuag at eraill waeth beth yw ein gwahaniaethau.



Cydweithio

Rydym yn gweithio fel tîm, gyda'n cymunedau a'n partneriaid i gyflawni'r canlyniadau gorau i bobl Ynys Môn.



Gonestrwydd

Rydym yn ymrwymedig i safonau uchel o ran ymddygiad ac uniondeb.



Hyrwyddo'r Cyngor a'r Ynys


Rydym yn creu ymdeimlad o falchder wrth weithio i'r cyngor ac yn cyflwyno delwedd gadarnhaol i'r cyngor a'r Ynys.



Cylch strategol

Mae'r cylch strategol yn nodi'r cynlluniau sydd ar waith i sicrhau ein bod yn gallu cyflawni ein blaenoriaethau a'n hamcanion.

Mae'r cynllun hwn yn gynllun strategol allweddol sy'n cyd-fynd â Chynllun y Cyngor ac yn cyfrannu at gyflawni'r amcanion a'r weledigaeth strategol.



Meysydd blaenoriaeth allweddol

Tudalen 25

- Cynaliadwyedd
- Cysylltedd
- Cydweithio
- Dysgu proffesiynol
- Diogelu data a gwydnwch digidol

Cynaliadwyedd

Pam mae hyn yn bwysig?

Trwy ganolbwyntio ar gynaliadwyedd ariannol, gall Cynllun Strategol Digidol Addysg gyflawni ei nodau o wella addysg, cefnogi cynhwysiant, a pharatoi myfyrwyr ar gyfer y dyfodol mewn modd dibynadwy a chyson.

Tudalen 2
Bydd Cytundeb Lefel Gwasanaeth (CLG) yn gosod y fframwaith cynaliadwyedd ar gyfer ysgolion er mwyn sicrhau fod sail gadarn ariannol i gynnal gwasanaeth o'r radd uchaf bosib.

Sicrhau fod capasiti TG ar gael i gefnogi arloesi digidol yn ein hysgolion a pharatoi ein dysgwyr i ddyfodol digidol.

Beth fyddwn ni'n ei wneud?

- Sicrhau bod y cynllun strategol yn gynaliadwy yn ariannol.
- Sicrhau bod arian yn cael ei ddefnyddio'n effeithlon i gefnogi mentrau digidol presennol ac yn y dyfodol.
- Adnabod unrhyw grantiau ychwanegol gall fod ar gael i gefnogi'r gwaith yma ac manteision arnynt.
- Defnyddio brosesau caffael y Cyngor yn effeithiol i sicrhau gwerth gorau am arian a sicrhau cydymffurfiaeth.

Sut fyddwn ni'n gwneud hyn?

- Datblygu cynllun cyllideb manwl sy'n amlinellu'r holl gostau disgwylidiedig ac yn defnyddio arian yn strategol. Mae hyn yn cynnwys buddsoddiadau cychwynnol mewn seilwaith digidol, cynnal a chadw parhaus, a gwelliannau yn y dyfodol.
- Nodi a sicrhau ffynonellau cyllido amrywiol, megis grantiau llywodraeth, partneriaethau sector preifat, a mentrau codi arian cymunedol.
- Parhau i ddatblygu cydweithio effeithiol, yn fewnol yn y Cyngor a gyda rhanddeiliaid allanol, er mwyn gwneud y defnydd mwyaf effeithiol ag effeithlon a adnoddau
- Prynu drwy ddilyn prosesau caffael priodol.

Cysylltedd

Pam mae hyn yn bwysig?

Mae ysgolion angen mynediad cyflym, rhwydd, gwydn a dibynadwy at adnoddau a data.

Mae'r galw ar rwydweithiau wedi cynyddu'n gyflym ac mae'n parhau i wneud, ac felly mae'n hanfodol bwysig er mwyn cwrdd â'r anghenion addysg digidol presennol ond hefyd er mwyn diogelu anghenion y dyfodol.

Cefnogi ysgolion wrth paratoi at arholiadau ar-lein gyda datrysiadau rheolaeth cadarn sydd yn cydfynd efo disgwyliadau a safonau digidol Cenedlaethol.

Beth fyddwn ni'n ei wneud?

- Darparu ac yn monitro seilwaith rhwydwaith sy'n ddigonol ar gyfer pob ysgol.
- Buddsoddi i uwchraddio lled band ysgol lle bo'n briodol.
- Adolygu prosesau sydd eisoes ar waith i ddiogelu ein dysgwyr e.e. Smoothwall a sicrhau eu bod yn cael eu datblygu'n barhaus yn unol â chanllawiau cenedlaethol.
- Cefnogi ysgolion gydag offer i ddiogelu dysgwyr a chefnogi ysgolion i weithredu datrysiad yn unol â'r rhaglen EdTech e.e. Senso fel offeryn rheoli ystafell ddosbarth.

Sut fyddwn ni'n gwneud hyn?

- Defnyddio systemau rheoli i safoni'r profiad i bawb.
- Cymryd mantais o dechnolegau newydd.
- Defnyddio'r gwasanaeth/llwyfan diogelu cenedlaethol i sicrhau mynediad digidol i'r rhyngrwyd.
- Ymrwymo i gyflawni gwelliannau parhaus i'r rhwydwaith.
- Datblygu manau diogel er mwyn storio seilwaith rhwydweithiau.
- Adolygu defnydd lled band ysgolion yn rheolaidd ac fel rhan o'r adolygiad CLG blynyddol
- Cefnogi ysgolion gyda defnyddio offer rheoli ystafell ddosbarth yn unol â'r rhaglen EdTech.

Cydweithio

Pam mae hyn yn bwysig?

Trwy ganolbwyntio ar gydweithio strategol o fewn y Cyngor a gyda rhanddeiliaid allanol, bydd y Cyngor yn sicrhau datblygiad a gwelliannau er mwyn i ysgolion esblygu a dal i fyny â'r datblygiadau technolegol diweddaraf.

Gydag ysgolion yn cydweithio'n agosach â'r model ysgol i ysgol, mae'r cyfleoedd i safoni technoleg, cymwysiadau a chyflwyniad o dechnoleg ddigidol mewn ysgolion yn sicrhau bod dysgu a chymorth proffesiynol priodol ar gael.

Mae arbenigedd o fewn y Cyngor yn ogystal ac ymarferwyr o fewn ein ysgolion. Wrth symud ymlaen, mae'n hanfodol ein bod yn dysgu o brofiadau a chydweithio er mwyn gwneud y defnydd mwyaf effeithiol o adnoddau prin.

Beth fyddwn ni'n ei wneud?

- Hwyluso a chefnogi ysgolion i fynd ati'n rhagweithiol i ddatblygu eu strategaeth dysgu digidol a chynaliadwyedd eu hunain.
- Adeiladu ar y rhwydwaith cydweithio presennol i ddatblygu rôl y cydlynwyr digidol o fewn pob ysgol yn ffurfiol.
- Datblygu cyfathrebu a chydweithio strategol o fewn dalgylchoedd yn seiliedig ar fframwaith Ysgolion fel Sefydliadau Sy'n Dysgu.
- Datblygu arweinwyr o fewn ein ysgolion all arwain yn lleol.

Sut fyddwn ni'n gwneud hyn?

- Datblygu cyd-dealltwriaeth rolau a chyfrifoldebau ysgolion a'r Cyngor
- Hwyluso cydweithio drwy fforymau tymhorol TGCh.
- Hyrwyddo gwaith clwstwr Hwyluswyr Dysgu Digidol drwy gefnogi cydweithio rhwng ysgolion
- Adolygu'n rheolaidd i ymateb i dechnoleg a datrysiadau newydd.
- Ysgolion yn rhannu arferion gorau ac adborth drwy'r Fforwm TG.
- Cydweithio agosach o fewn y Cyngor gan adolygu trefniadau presennol a sefydlu Grŵp Llywio Addysg-Digidol gyda llywodraethiant clir a phwrrpasol.

Dysgu Proffesiynol

Pam mae hyn yn bwysig?

Mae staff ysgolion â sgiliau digidol cryf yn gallu addasu'n gyflym i dechnolegau newydd ac yn eu hymgorffori yn eu dulliau addysgu, sydd yn eu galluogi i gydweithio'n fwy effeithiol âg eraill, a rannu arferion gorau a dulliau addysgu arloesol.

Mae datblygiad parhaus sgiliau digidol hefyd yn cyfrannu at dwf proffesiynol staff ysgolion, gan eu gwneud yn fwy hyderus a chymwys yn eu rolau, sy'n arwain at foddhad swydd. Hefyd, gall athrawon gasglu a dadansoddi data perfformiad myfyrwyr, gan helpu i nodi bylchau dysgu a theilwra'r addysgu i ddiwallu anghenion unigol myfyrwyr.

Beth fyddwn ni'n ei wneud?

- Cydweithio gyda rhanddeiliaid ac ysgolion i baratoi rhaglenni dysgu proffesiynol addas i bwrpas
- Llunio trefn adborth a gwerthuso ar y cyd ag ysgolion a chlystyrau.
- Sicrhau bod y gefnogaeth yn cael ei defnyddio ar y rhaglen EdTech Genedlaethol.
- Cysoni meddalwedd a chaledwedd fel gallwn drefnu dysgu proffesiynol ar eu cyfer.

Sut fyddwn ni'n gwneud hyn?

- Gweithredu rhaglenni hyfforddi cynhwysfawr sy'n canolbwyntio ar ddatblygu cymwyseddau digidol.
- Darparu cefnogaeth barhaus trwy ganllawiau dysgu digidol, mynediad at adnoddau ar-lein, a thimau cymorth TG pwrpasol.
- Sefydlu cymunedau ymarfer lle gall staff ysgolion rannu profiadau, arferion gorau, a dulliau addysgu arloesol.
- Cynnig anogaeth fel ardystiadau, credydau dysgu proffesiynol, a rhaglenni cydnabyddiaeth i gymell staff ysgolion wella eu sgiliau digidol.
- Annog defnyddio offer digidol ar draws amrywiaeth o bynciau trwy eu halinio â nodau'r cwricwlwm ac amcanion dysgu.
- Asesu effeithiolrwydd rhaglenni hyfforddi sgiliau digidol yn rheolaidd trwy adborth gan athrawon a gwerthusiadau o ganlyniadau myfyrwyr.

Diogelu data a gwydnwch digidol

Pam mae hyn yn bwysig?

I ofalu bod dysgwyr, athrawon a staff yn ddiogel ar-lein.

I sicrhau bod data, systemau a gwasanaethau ysgolion yn ddiogel.

Tudalen 30
I reoli ac amddiffyn integreidd dyfeisiadau a chyfarpar.

Dan Reoliad Diogelu Data Cyffredinol y DU a Deddf Diogelu Data 2018, rhaid i ysgolion feddu ar fesurau technegol a diogelwch priodol.

Rhaid i ysgolion sicrhau eu bod wedi mabwysiadu a'u bod yn cydymffurfio'n iawn gyda pholisïau diogelu data, yn benodol, y Polisi Diogelu Data Ysgolion a Pholisi Diogelu Gwybodaeth Ysgolion.

Beth fyddwn ni'n ei wneud?

- Cryfhau diogelwch TGCh drwy gynllunio rhagweithiol.
- Cryfhau a sicrhau fod prosesau cadarn mewn lle ar gyfer rheoli mynediad a llywodraethiant i diogelwch data.
- Diogelu rhwydweithiau ysgolion gyda seilwaith cadarn.
- Sicrhau bod trefniadau ar gyfer ffiltro cynnwys yn addas i bwrpas.
- Amgryptio dyfeisiau a sicrhau eu bod yn bodloni safonau diogelwch.
- Sicrhau mynediad diogel i wasanaethau craidd.
- Cefnogi trawsnewid digidol drwy fentrau
- Rheoli risgiau TG a chryfhau adferiad ar ôl digwyddiadau.

Sut fyddwn ni'n gwneud hyn?

- Blaengynllunio pob newid gyda mesurau diogelwch priodol.
- Symud data ysgolion i Hwb SharePoint.
- Dadgomisiynu storfa leol a mudo data'n ddiogel i'r cwmwl.
- Gosod muriau tân a rheolaethau mynediad ar rwydweithiau.
- Gweithredu system ffiltro cynnwys sy'n seiliedig ar y cwmwl.
- Uwchraddio ac amgryptio dyfeisiau lle bo angen.
- Defnyddio dilysiad cadarn ar gyfer mynediad staff.
- Gweithredu mentrau digidol mewn partneriaeth â Digi 360 Cymru.
- Sefydlu prosesau adfer a rheoli bygythiadau TGCh.

Llywodraethu: Monitro a gwerthuso

Byddwn yn sefydlu trefniadau cadarn er mwyn sicrhau bod y cynllun strategol yn cael ei gyflawni. Bydd y trefniadau yn sicrhau eglurder, atebolrwydd, cydlyniant a'r strwythur er mwyn monitro cynnydd yn effeithiol.

Bydd Grŵp Llywio'r Cynllun Strategol Digidol Addysg yn gyfrifol am ddatblygu, gweithredu a monitro'r cynllun strategol. Bydd y Grŵp Llywio yn adrodd i'r Tîm Arweinyddiaeth – Cyfalaf a Digidol.

Bydd unrhyw brosiectau penodol yn dilyn y Fframwaith Gofynion Busnes Digidol.

Bydd ysgolion yn cael cyfle i ddarparu adborth drwy'r Fforwm TGCh yn flynyddol.

Bydd cynnydd yn cynnwys gwybodaeth am weithredoedd, canlyniadau a'r effaith gan amlygu llwyddiannau a materion.

Bydd adroddiad cynnydd blynyddol ac adolygiad o'r cynllun strategol yn cael ei gwblhau.

This page is intentionally left blank